

Вольбы
до Европейского парламента
на території Словацькой републики

Інформації про воліча

I

Датум і час реалізації волеб

Вольбы до Европейского парламента на території Словацькой републики будуть
в суботу **8. 6. 2024** од **7:00** до **22:00** години.

II

Право волити

Право волити до до Европейского парламента на території Словацькой републики має обчан Словацькой републики, котрый має місто стабільного биваня на території Словацькой републики а найпізніше в день волеб досяг вік 18 років, і обчан іншого членського штату Европской унії, котрый має місто стабільного биваня на території Словацькой републики і найпізніше в день волеб досяг вік 18 років.

Право волити до Европейского парламента на території Словацькой републики має ай обчан Словацькой републики, котрый не має місто стабільного биваня на території Словацькой републики ани на території іншого членського штату Европской унії, найпізніше в день волеб досяг вік 18 років а в день волеб ся стримує на території Словацькой републики.

Волити до Европейского парламента в тых істых вольбах мож лем в єднім членськім штаті Европской унії.

Право волити є в конфлікті зо законным окліцінем особной слободы на основі охрани верейного здравя, кедь особітний закон в часі пандемії не встановить інакше.

III

Право быти воленным

За посланця Европейского парламента може быти зволений

- обчан Словацькой републики, котрый найпізніше в день волеб досяг вік 21 років і має місто стабільного биваня на території Словацькой републики,
- обчан іншого членського штату Европской унії, котрый найпізніше в день волеб досяг вік 21 років, не був збавений права быти воленным у членськім штаті Европской унії, котрого є штатным обчаном, і має місто стабільного биваня на території Словацькой републики.

Кандідовати за посланця Европейского парламента в тых істых вольбах мож лем в єднім членськім штаті Европской унії.

Право быти воленным є в конфлікті зо:

- заарештованєм,
- праволатным одсуджінем за напланований кримінальний чін, погы одсуджіня не было заглажене,
- однятєм способности робити правны діла.